



Q. D. B. V.

De

*Visus imbecillitate & defectibus.*



**T** inter omnes ad extra  
actiones nobilissimus omnium **VISVS**  
est, ita membrum artificiosissimum.  
**OCVLVS**, siue globum, siue tuni-  
cas, musculos & nervos, siue humo-  
res lustremus.

Annisus est ipse *Tullius* hanc structuram curatius ex-  
primere, neque ille tamen, vel quisquam alius homo,  
diuinum hoc opus exhaurire valet. Audiri vero mere-  
tur ex pluribus aliis saltim iam vno loco, quem physio-  
logiam Tullianam vocare integrum est, *l. 2. de Nat. Deor.*  
*c. 56. f. 164.*

**OCVLI**, *inquit*, tanquam **SPECVLATORES**, altissimum  
locum obtinent. Ipse opifex membranis tenuissimis  
vestiuit, & saepit: quas primum perlucidas fecit, vt per  
eas cerni possit: firmas autem, vt continerentur. Sed  
lubricos oculos fecit, & mobiles, vt & declinarent, si  
quid noceret, & adspectum, quo vellent, facile con-

A 2

uerit-